

客亭類稿

客亭類稿

湖北先正遺書 集部

欽定四庫全書

集部四

提要

別集類三 南宋

客亭類稿十四卷

臣等謹案客亭類稿十四卷宋楊冠卿撰冠卿字夢錫江陵人宋史不為立傳陳振孫書錄解題載有此集而亦不詳冠卿之始末故事蹟無可考見今以集中詩文參互考之劉季岑手帖云紹興初假守南徐楊君季洪為

理掾後三十年見其子夢錫則冠卿為李洪
之子其紀夢詩序云戊戌年四十戊戌為淳
熙五年上推四十年則冠卿當生于紹興八
年己未其與傅漕詩有鄉書憶昔獻賢能姓
字曾叨天府登句則嘗舉進士其上執政啟
云奉命領州奪符而歸又有祭廣東主管衙
土地文則嘗出知廣州以事罷職姜夔贈冠
卿詩有長安城中擇幽棲靜退不願時人知

句則解官以後又嘗僑寓臨安者也其集世
頗罕傳惟浙江採進書中有舊刊客亭類稿
為巾箱小字本檢勘尚係元刻分四六編雜
著編古律編皆所作詩文惠答客亭書啟編
則同時名人酬贈之作不標卷數前後亦無
序跋而永樂大典各韻內所收冠卿之文尚
有表牋詩餘各數十首皆刊本所未收疑當
時本各自為編流傳既久遂有闕脫今據永

樂大典所載以刊本參校搜輯補綴諸體始
全謹仿原編名目釐為十四卷而惠荅書啟
編則刪之冠卿才華清雋四六尤流麗渾雅
張端義貴耳集載其館九江戎司時趙溫叔
罷相帥荆南道由九江守帥合宴冠卿作致
語云相公倦台鼎喜看繡衮之東歸潯陽無
管絃且聽琵琶之舊曲溫叔再三稱道知其
以是體擅長矣又京鏜何異李結諸帖極稱

其集杜之工而稿中乃無一篇殆當時別本
單行而今佚之歟乾隆四十五年九月恭校

上

總纂官臣紀昀臣陸錫熊臣孫士毅

總校官臣陸費輝

欽定四庫全書

宋 楊冠卿 撰



允協帝華繼明以照四方茂衍邦家之慶相授而守一
哥道尊太極爰鏤玉以陳儀喜
中賀恭惟皇帝陛下克繩祖武

道率先愛敬之規謂大任生此周王故文命承於虞帝
爰極形容之美以彰歸報之誠于聖德其何以加自生
民以來未有臣逢時嘉會阻遠明庭登顯冊以揚鴻休
方慶母儀之盛介繁禧而緝純嘏更祈帝祉之增

代賀皇帝尊號表

奉卮為壽肇舉慶儀鏤玉揚休載崇顯號補百王之墜
典溢四表之歡聲臣某中賀恭惟皇帝陛下愛敬事親
聰明協帝念天高地厚雖莫盡于形容而父尊母慈宜

益彰於歸報虔誦上日丕闡彌文簡冊增華典謨未有
臣屬采薇之遣戍司細柳之留屯萬壽無疆莫預龍墀
之賀百拜稽首敢伸鰲抃之恭

冊命皇后代賀太上皇帝表

詔錫慈闈厚人倫而正始禮嚴顯冊申帝命以揚庭宗
社增榮邦家永賴臣某中賀竊以二南之化雖繫於一
人兩儀之生實原於太極大哉神聖得此繼承方將隆
內治之功其可後中闡之選恭惟尊號皇帝陛下基圖

授舜聰明似堯謂王假有家以行有常言有物而天作
之合在渭之涘洽之陽從龍亦既有年配極莫先其德
久已孚於衆志茲式正於徽名臣嘉與連簪具宣明訓
羣臣皆稱萬歲雖阻陪前殿之趨五日一朝上皇祈永
膺四海之養

賀皇帝表

王假有家天立厥配以儷尊於宸極爰錫命於帝庭衆
志具孚率土咸慶臣某中賀竊以治欲隆於三代理教必

首於二南況當鷄鳴問寢之朝宜有闕睢正始之后恭
惟皇帝陛下德侔天地孝通神明備九州之品以事親
簡六宮之賢而佐餼衣無曳地既克著於儉勤寶界範
金庸誕敷於典冊宗祊有喜神人是依臣仰戴隆施欣
聞盛舉朝未央而為壽雖莫稱萬歲之觴賡大妣之嗣
音願繼上百男之頌

謝太上皇帝表

執戈衛社蔑有微勞錫命自天遽膺殊渥循牆莫避揣

已奚勝臣某中謝伏念臣誤辱眷知久提禁旅惟天子
羽林之士實王官武備之儀不教而戰是為棄之先事
而慮斯謂勇也仲冬大閱肆選練於車徒六郡良家因
講習於戰陳君所命爾臣何力焉敢期帝訓之敷俾正
兵團之任茲蓋伏遇尊號太上皇帝陛下規模宏遠道
德安彊耀神武以事折衝不爭善勝貽孫謀以燕翼子
垂休無窮故雖一介之臣亦拜非常之寵臣敢不勉策
駑蹇思稱龍光移軍以復兩京或陪廟筭置酒而樂前

殿願睹慶儀

天申節賀表

處黃屋以非心降年彌永奉玉卮而為壽曠典肇修當
誕月之載臨宜率土之咸慶臣某中賀恭惟尊號皇帝
陛下巧咸不宰道極難名問至精以遂羣生自得崆峒
之妙乘兩儀而御六氣孰窮姑射之神與造物以俱遊
雖後天而不老臣馳心魏闕請祝聖人以八千歲而為
春方行無疆之筭歌萬斯年之介福更申善頌之恭

金定四庫全書
卷一
天申節謝賜香表

川增栢茂衍慈極之修齡玉潤金堅拜御爐之珍賜臣
某中謝恭惟皇帝陛下聰明作后愛敬事親尊太上皇
舉盛儀於漢殿祝聖人壽騰歡頌於華封當星渚之儲
休聲羽林而致禱詔傳中侍寵畀寶薰郁郁紛紛與慶
雲而協瑞穰穰簡簡來景福以延休臣謬典周廬親承
睿渥恩被動植已洽舜孝之隆馨感神明益慶堯年之
永

代天申節滿散謝賜香表

貝葉翻經方控後天之禱寶奩錫瑞特頒南國之珍歡
動羽林聲呼崧嶽臣某中謝恭惟尊號皇帝陛下基圖
授舜聰明似堯協氣薰為太平所施者博大德必得其
壽永孚於休誕彌咸慶於薰修贖馥敢希於沾丐茲益
伏遇皇帝陛下謀謨善述清淨無為五日一朝恪謹宸廷
之養萬有千歲益祈帝祉之增以一瓣香供無量佛臣
敢不對揚休命請祝聖人治馨感於神明已介無疆之